

OMUKWETU

Registered at the General Post Office as a Newspaper



Oshigongi shuuyuni auhe otashi gongala muLausanne 16-25 Juli 1974. Mefane etamu monika edhina lyoshilando moka oshigongi tashi ka ningilwa, enomola yemwalu gwominve ndhoka sha ningwa nechi endhindhilike ekulu mehistolli lyuukriste. Ehokolole tala kepanja 2.

M O M A N T A G A A N H E L E I W A K U L I M O

Manga okumbi kwa li tayi nyongola koho yomiti niihwa yi nyanyudha, nomokupitathana ko naayendindjila, ye li momizalo dhomalwaala, naamboka wo ya londa uu-kambe wombepo, onda mono kokule kashona ehala ewanawa, lya tumba nolya kunyame-na oshana oshinene, evi eyamba noli na yuupe lela.

"Shika oshike?" Osho nda pula. "Oyo nduno Onheleiwa ho uvu ndji." Osho nda yamukulwa.

Mokulengalenga koombinga noombinga, omuntu oto dhimbulula mbala, kutya omuluki gwehala oye enyakwa lyokuluka, oshoka "onhele oiwa" tuu shili. Ehala ndiyaka o-lya opalekwa ishewe komutayimo gwiipeleki yOngerki yegongalo, Onheleiwa, ndjoka ya yapulilwa iilonga yayo eti 2 Desemba 1973 mewiliko lyomutonatelishitayingerki, tate **Filippus Shikomba**.

Melongelokalunga nomoshituthi shoka sheyapulo lyOngerki, omwa liwe wo komukuluntu gwEnongelo mEngela, tate Josia Mufeti, aasitagongalo yomagongalo gopuu-shiinda; Ongenga nOkalongo, amushanga gwomumbisofi nomuyevangeliste gwOngerki, tate Efraim Angula. Omukuluntutumwa Olle Eriksson naatumwa yamwe omo ya li wo.

Moshiyambelo tate Shikomba okwa igidhile egongalo naayenda yalwe, kutya oomwenyo dhetu odhi li pethimbo lyohuluhulu, sho dha uvithilwa kOmukulili mwene "Omumvo omutoye gwOmuwa", pamwe negongalo lyokuNasaret mosinagoga. Omusitagongalo ta lele Onheleiwa, Mikael Nengola, okwa hempulula mehokololo lye **nkene** aantu yopOnheleiwa ya kala mehwamo enene pethimbo ndiyaka uuna egongalo lya dhikwa muJanu-ali 1966.

Aakriste pamwe naaleli yomikunda ndhiyaka oya adhikile ye na nale omadhiladhilo gokutunga ongerki. Okuza uuna omusita e ya po, oya tameke oshilonga shokugon-gelela ongerki yawo muupenda uunene noya humu komeho kehe ethimbo. Oya tameke etungo nokulongitha iikaha yawo yene. Tate Nengola mehokololo lye okwa tumbula:

"Kape na ndishi omunhu ta diladila okutunga ongerki koimaliwa R 3690, ndele shapo okuwapeka ashike. Ndele apa Ovakriste vomOnheleiwa ove shi dula nove shi pitifa."

Tate Nengola okwa pandula wo omusamane Raimo Holopainen ngoka a kala ekwatho enene mokuwilika etungo nomokulanda iitungitha. Yimwe okwe yi gandja ongomagano kegongalo ndika. (Tala kep. 7)

OSHIGONGI SHEVANGELI MULAUSANNE

Natango omalongekido oku li po taa ehene komesho omolwoshongalele sheudifo levangeliki mounyuni aushe, osho tashi ka ningwa muSwitzerland odula tai uya.

Ovanhu ve dule 3,000 okwa teelelwa va ka kale ovaenda moshongalele eshi ovo tava ka dja keembinga adishe dounyuni.

"EDU NALI PWILIKINE ONDAKA YAYE", osho oshipalanyolo shoshongalele notashi ka kundafanwa mouyelele wexupifo lomunhu wopefimbo eli pandjovo yOmwene Luk.4:18.

Kakele komunashipundi woshongalele eshi omuudifili wounyuni dr. Billy Graham, Omuyamerika ou a talela po yo S.A. neudo, vahapu otava ka popifa yo oshongalele eshi.

Mokati kavo omu na Ovayafrika; omubisho-

shopi Festo Kivengere waUganda, osho yo omuxungimwenyo wohamba yaEngiland, omufitaongalo John Stott.

Komuvalu wovakwashongalele ngashi wa ulikwa metetekelo, ngeenge otashi ka enda ngashi sha teelelwa, epelesenda 10 otadi ka kala ovakainhu, epelesenda 20 odovanyasha ve li koshi yeedula 30.

Oonakutala ashike ~~ova~~ tengenekwa va kale ve fike 200 novatoolinghundana 300.

~~EWAPALEKO~~ ondado yomaimbilo ya tongwa moshifo eshi, kutya R 1,75, hasho. Ehanganano otati kosho R 1,70 ashike.

OMUWA OTE YA MBALA KUNGOYE

Luk. 3:1-6

Aapangeli-leli ya tumbulwa petameko lyo-tekisti ndjika oyo euliko lya yela tali holola kutya omuprofeti Johannes yaSakaria, okwa holokele pethimbo lyawo. Omuprofeti Jesaja oye a pewa kuKalunga a tomone okuholoka po kwaJohannes Jes.40:3-4.

Omuprofeti Johannes ota uluma okuya komukunda nomukunda, oshoka euvitho lye olyelongekidho. Aapulakeni otaa uvithilwa ya adhike ya mona uuthemba miinima tayi landula:

- a) Eshasho lya kankamakwa keitedhululo
- b) nokedhimopo lyoondjo.

Johannes oye omuprofeti a landulwa kehokopo lyaangoka a kwatele kumwe oprofeto dhaaprofeti ayehe ye mu tetekela. Oye Onzigona yaKalunga ngoka ta kutha po oondjo dhuuyuni (mboka taye ke mwiitaala.)

Ayehe inaa mona eitedhululo, oya fa omahala ga tumbulwa motekisti: omasilu, oondundu, omitunda, iisilukutumba ndmagoli

Movelise ontine okwa tiwa, "Yelekanitheni omapola ge." Okatumbulo, "ge", otaka ulike oshikalimo oshinene mevitho lyaJohannes.

Natu dhiladhileni tango shoka tashi opalekwa sha yelekwa nomahala ngaka. Shoka osho omwenyo. Omwenyo ndishi kagu shi gwomuntu mwene? Omwenyo momuntu ogwaKalunga.

Uushili mbuka otatu u adha mo amata yotango yaMoses 2:7. Ano oomwenyo dhaKalunga odha kanitha ethelakano, onke omutumi okwa tetekelitha omulongekidhi gwadhohannes yaSakaria, pu ningwe tango ethelakanitho.

Kristus kee na ompumbwe nehalo okweenda

OMAIMBILO GA HOLOKA TUU?

Epulo ndika ngashingeyi Oshinyanyangidho otashi li yamukula nomuthindo kutya, EENO, OMAIMBILO GA HOLOKA Ishewe. ILANDELA MANGA KUYELE.

Ehangano lyetu ngashingeyi otali gu R 1.75.

@@@

pondje yomuntu. Okwa hala okukala momwenyo. Okwa nyolwa mOmbimbeli, "Ombepo ye momuntu, ohe yi yuulukwa a sa uukodhi."

Omutumi oye e na chalo enene li vule lyomotumwa, oomwenyo dhaapulakeni ayehe dhi opalekwe. Oshoka, "onyama ayihe oyi na okumona ehupitho." Ov. 6.

Ngoka e na etokolo ndyoka, oye omutumi gwaJohannes.

Konima yelongekidho-uvitho alihe lyaJohannes, Okwa Jesus okwa holokele muuyuni nka, nokwa longo ashih sha kwatelela mo ehupitho lyonyama yaantu ayehe kombanda yeve alihe.

Oshilongehupitho shonyama ayihe, osha tsakanithwa kuKristus, muuyuni womuleli Pontius Pilatus mevi lyOmbimbeli. Mat. 27:58,65.

Omuwa Jesus sho a shuna megulu, okwa thigi mpaka kevi elongekidho lyanyama ayihe li sikilwe. Omauvitho gopethimbo lyetu kage na syooloko enene nevitho lyaJohannes Omushashi.

Aantu atuhe otatu pulwa keuvitho lyevangelii eitedhululo. Eitedhululo olyo nga eidhilululo, neidhilululo, olyo egaluko hoka nda li tandi yi. Evangelii lyaKristus olya thigwa mpaka li tu lombwele tu galuke moondjila dhetu dhaa shi dhopahalo lyaKalunga.

Ngele otatu kala ihe aana yaKalunga, aahupithwa. Aapulakeni yeuvitho lyaJohannes, kaya li aapagani ayeke, aayuda wo opo ya li.

Pethimbo lyetu aakriste oyo oyendji, naapagani aashona. Ihe natango, euvitho ndika otali ti kutse: "Itedhululeni." Sha hala okutya, igaluluki monkalo yeni aakriste, ndjoka itaayi tsu we kumwe nehalo lyaKristus gweni.

Eitedhululo lyetu tse aakriste, kali na we sha neshasho lyomeya, ngashi aapagani taa ningilwa. Mutse otatu pulwa omuntu omakulu a ninginithwe esiku kehe meitedhululo nomegundjilo, peha lye pu yumuke mutse omuntu omupe ngoka ta kala muuyuki nomuyapuki koshipala shaKalunga aluheluhe.

(Juuso Shikongo)

OKATONGO OKA YA OONGERKI

POKATI

Okatongotongo oka tamakwa okukondjithwa ishewe mu S.A. kaasitagongalo aaluudhe yomOngerki ya valwa kOngerki ya N.G. (yOombulu). Osha za moshifo shuukumwe woongerki mu S.A., EcuNews.

Ongerki yOombulu oyo ongerki onkulunkulu muS.A. Ethimbo ele oya landula ondjila yokatongotongo mokati kiilyo yayo nopamukalo ngoka aaluudhe oya ye na Ongerki yawo yene, Aaindia ye na yawo, Oombaati osho.

Petameko lela kakwa li omayooloko ngoka. Koshito oya kala melongelokalunga limwe, oya li Uulalelo Uuyapuki mumwe nosho tuu. Etongolathano olya tameke mpoka sho mOngerki ndjoka yamwe ya tameke okunyenyeta nokwiikutha mo ya ka dhike Ongerki yawo yene aatiligane, Ongerki ya opalekwa (Nederduitse Hervormde Kerk) muTransvaal.

Ongundu ndjika oyi indike aaluudhe ya ninge iilyo yongerki yawo, osho wo inayi longa unene mokati kaaluudhe, Oongerki onkwawo dha ka pambuka natango mekota lyOngerki ndjoka, ngashi tu tye ando Etumo lyopayapostoli (Apostolic Mission) nenge ndjoka yEtililo lyaMbepo (Pentecostal Church), nandhoka odha landula naanaa omulandu gwokatongotongo.

Okwa tiwa, kutya Ongerki yimwe ayike ya pambuka mu N.G. noinayi landula ondjila yokatongotongo, oyo Ongerki yaGereformeerde.

Oongerki dhilwe wo odha landula ondjila yokatongo mokati kadho ngashi oongerki onkwaluther. Ongerki yaRoma, yaAnglikani nenge yaMetodi odho adhike inadhi dhikila aaluudhe ya valwa kudho ohedhi yondiikalela. Momaitaalo agehe haga longitha okatongotongo neuvoko lyaaluudhe sho lya penduka noyu uvuko ondilo yuuntu wawo noya tameke oku yi popila, shoka oshe eta natango omaipumo mumwe pokati komuluudhe nomutiligane, nokape na ngoka e shi shi, kutya otashi ka hulila mombepo ya tya ngiini.

Omusitagongalo J.F.Mettler, Ombaati, okwa nyola moshifo shimwe "Rapport" a ti:

"Miinima ayihe noyetaalo, omuntu oto lombwelwa ashike olwala. Oku na Ongerki yimwe ayike, noyo ndjoka yaKristus."

Osho shika sha popiwa wo kaasitagongalo 100 yomu N.G. aaluudhe sho ya ti, kutya

Katu vulu we okwiidhidhimika tu kale nombili pamwe nelongo lyokatongotongo komalwaala nokomaludhi.

Lucas de Vries, omuwilikingerki gwa E.L.K. moshigongi sha FELKSA petameko lyomumvo nguka okwa tile:

Haaluhe tatu ka tegelela Oongerki dhaatiligane dhi hangane natse. Omalimbililo okulimbililwa aatiligane otaga inyenge maantu nomongerki onkwaluther.

"Ngele inatu mona ondjila yokuhangana moshilongo shimwe, nena aakwaluther onaa ka halakana po."

MuNamibia ongerki yaatiligane aakwaluther oya kambadhala konyala omimvo ndatu ngele otaa vulu okuhangana kumwe naakwaluther ooyakwawo aaluudhe, ihe sigo onena inashi pita.

Onkambadhala ndjika oyi li po wo nomaa-kwaluther yomu S.A. Ihe aaluudhe otaa ti ngiini?

"Aatiligane itaye ke shi vula ya manguluke konkalomwenyo ndjoka ya kala nayo okuza kevalo."

Ye omutiligane gumwe te shi yamukula ta ti: "Otu na epulo edhigu lye tu thikamena, ihe katu shiwo nkene tu na oku li ninga."

Oongerki odha tameka okudhiladhila oshinima shika, eyamukulo li monike, "ihe oshi na okweendelelwa po moku-dhiladhilwa." Oshigo "EcuNews" sha ti.

ESO LYOMBAADHILILA

Omumati Paulus Iлека ya Simeon (22) okwa mana oondjenda dhe moshipangelo shEpangelo mOshokati 25.3.1973.

Eso olye etwa koshiponga shekandomo lyoshihauto manga taa zi kOmbalantu. Aakuluntu ye Simeon Iлека naJohanna Kallola, Elim, oya hala okwiihupulutha nOhapu ndjika 2Tim. 4:16-17

EGONGALO IHALI PTUDHA AANONA
OLYO OSHIPONGA MEGONGALO

Uunona owo uuyamba woshilongo sha neliko lyegongalo. Eliko ndika ngele tali dhigininwa nawa, oshilongo itashi hepa negongalo itali ningi egongalo lyaashunimonima, ihe otali ningi egongalo lyaakriste ye na omwenyo.

Omutondi okwa tseya wo eliko ndyoka lyaanona nokwa hala wo oku li yuga egongalo. Koombinga adhihe otaku zi efundja lyomutondi lya hala okukungulula po egongalo lyaakriste ayehe lyuunona.

Oshiponga shoka aakwanegongalo oye shi wete tuu? Mboka ye na omeho noye na omwenyo oye shi lwete notaa kakama. Onkene ye na eipulo ndika: Otapu ningwa ngiini omolwehupitho lyaanona yetu.?

Kalunga sho a shiti omuntu okwe mu shitile egulu (ehupitho). Uunona wo owa shitilwa egulu. Kalunga okwa gandja iikwatha kaakuluntu nokaaputudhi ayehe okukwatha aanona ya adhe ethikilo lyawo ihe epulo olyo ndyoka, kutya:

Yangapi yomaaputudhi yaanona ya koneka iikwtha mbyoka noya dhiginina oshilonga shawo? Yangapi taa ihepeke nehupitho lyoyana nolyaaputudhwa yawo? Yangapi taa gandja oshiholelwa nomikalo omiwanawa komaluvalo gawo? Yangapi haa tsu kehe esiku oongolo kuKalunga opo e ya pe oonkondo nomayeke okuputudha mboka ye ya pewa pahalo lyaKalunga?

Omagumbo ogendji oga ya oshikungulu shefundja nuunona owindji otayiwa nawo notau sile mo. Egumbo ndyoka ihaali tekula uunona olyo naanaa oshiponga oshinene megongalo lyaKalunga. Ihe egumbo ndyoka tali dhiginine eputudho lyaanona megongalo, olyo tali etele egongalo elago neyambeko.

Iinima tayi tungu omunona

Oshinima oshiwana tashi kwatha uunona osho omambo nenge elongelokalunga. Okukala poohapu dhaKalunga negundjilo oshinima sha simana unene.

Oshiponga shimwe oshi li maakuluntu nomaagundjuka, oshoka inaa simaneka we omahala omayapuki. Uunona auhe osho wa tameke oku ya holela, itau simaneke we onkalo yopoohapu dhaKalunga nenge oongulu dhaKalunga (oongerki).

Oshinima oshikwawo tashi yakula uunona osho oosikola. Ihe mpaka otatu popi unene kombinga yOsikola yOsoondaha, nando inatu dhina nando lumwe osikola ndjoka wo yesiku.

Osikola yOsoondaha oyo omambo nenge tu tye elongelokalunga lyuunona. Osikola yOsoondaha oya hala okukwatha omagongalo nomagumbo moshilonga sheputudho lyaanona. Oyo otayi kwatha uunona auhe u tseye oohapu dhaKalunga, yu ulukilwe Omukulili gwawo ngoka te ya galikanene ya pewe Ombepe Ondjapuki noku ya fala meitaalo lyashili.

Osikola yOsoondaha oya hala okukwatha aanona ayehe ya ninge aakwanegongalo aadhiginini, taa yakula egongalo lyawo mohole. Oshilonga shino olye te shi wulu?

Otashi vulikithwa kiiyakulitho ya popiwa metetekelo ngele tayi longithwa.

Uunona owo ou na oomwenyo dha fa evi ewanawa tali kokeke mbala iimeno noombuto. Longa ano neinekelo mevi ndika oshilonga sheputudho mewiliko lyOsikola yOsoondaha maandjeni, muushiinda, pomukunda gweni nomoshigwana sheni.

(Omudiakoni:H.Nikodemus)

OSHILONGATUMO OFIKOLA INA

OMAUDJUUNOMAPUNIKO

Omafiku aa 3-7.10.73 omuyakuli wovayakulingerki omushamane Toivo Pentikainen nomupashukili waUkwanyama tate Filippus Shikomba nookaume; Josia Mufeti, Elia Haipinge (Olupandu), Likius Neumbo, meme Ulla Pentikainen nokanghelo F'isi na meme Selma ove tu talela po, ndele ve tu hafifa keemwenyo detu da li da loloka.

Ova li va fa ovalongi vomongalasho, ve tu sevisa nawa, oumbodi vahapu va dja mo momashina oemwenyo detu. Taa, ounyuni ouyadi ondwi ta tu kakatele noupu. Vali itashi dimbulukiwa noupu, vali hanowina ashike hatu kake, ndele osheshi tu li mo-ounyuni wa kaka.

Ovayakuli vetu mewapaleko lavo ova li va pewa kuKalunga omesho okutala apa tu li, nde fye twa monikifwa yo. Kalunga na hambelelwe. Ngaashi ovo tava longo momapya etumo luhapu ohatu keme komaudjuu, oo tae tu shakeneke, osho sha li ombinga imwe moshongalele shetu.

Opo nee onda uda elaka tali ti: Okukala mepya letumo ou li mofikola yomaudjuu. Vahapu ohatu diladila kutya okukala metumo oko okukala nawa nefimano, ndele nandi otu na okutambula yo ombinga ei yomaudjuu. Oudjuu umwe tu na okulilonga oo oku-dimbulukwa ove mwene apa u li, (okulidimbulukwa), nokuliyandja mwene meke la-Kalunga u longifwe kuye. Osheshi luhapu nde lidimbwa po.

Oshilonga shoshongalele shetu osha ningwa momhepo ya "Ashram" (eyakulafano pamwenyo). Okwa li omailikano nomailikanenafano. Otwa kundafana meengudu nokunyamukula omapulo a kufwa moipopiwa yomeetundi doshongalele. Okwa nyamukulwa nomhepo iwa nomwenyo umwe. Hanga tu kale mepuko laPetruw eshi a tile: "Apa opawa okukala". Osho twa li tu udite ngeno ovaenda vetu va kale pufye.

Ova ti ashike, kutya diinineni osho mwe shi mona moshongalele eshi. Eyambeko laKalunga li li po, olo eshi Kalunga te limonene ovaxupifwa mokati kovapaani omolweudifo loingone fye. Ofye ovanelao eshi twa ninga omalenga oiholekwa ya-Kalunga okwiihololela ounyuni womilaulu. Osho ashike tashi pumbiwa moilonga osho okumwe muKristus, nde tu kale inatu lifa mokukala. Ohatu pumbwa okukala kumwe mokulonga ehala laKalunga, halange.

Oshongalele osha li nehafo okutala ovayakuli Ovayelele vahapu voilonga i lili noi lili va li mo. Kalunga na pandulwe unene eshi oiimati yoshilongatumo shongerki ya ELOK tai monika nokuli. Ohandi halele ovaenda vetu omholo iwa moilonga yavo ihapu. Pamba ne mu yambeke. (Paulus Andreas)

OMUSITAGONGALO OMUKIINTU

Oshigongingerki shaAnglikani sha gongala muJohannesburg omasiku ga zi ko, osha taa- mba omafaneko kutya omukiintu wo a pitiki- lwe meyakulo lyongerki ongomusitagongalo, (omupilisteli).

Okomisi yokukonakona natango eputudho lyo- mukiintu, eyapulo nelangeko lye miilonga, oya tegelelwa yi ete eyamakulo moshigongi- ngerki 1975 netokolo lya hugunina olya te- gelelwa moshigongingerki shomumvo 1976.

Oshigongingerki shaElok nuumvo inashi zi- mina omukiintu a pita osikola yuuteologi a thikame moshivithilo. Eputudhilo lya- kiintu muuteologi mOngerki ndjika inashi kala nando lumwe epulo edhigu. Iilonga

yomukiintu omuteologi ngashi ye li po nale yane nokuli muELOK, oyi li poku- pendutha omalimbililo nkene tayi ka tsikila komeho.

+ Nande nee eepesenda konyala 75 d0- vaanglikani aveshe kumwe muSuid-Afrika 1,850,000 ove li ovalaule, moshongalele eshi shovanhu 169, ovalaule otu li mo ashike 57 nomubishopi omulaule umwe au- ke movabishopi aveshe 16 mu S.A.

Osho ovalaule ve lipula mOshongalele- ngerki shaAnglikani novatilyane mokati kavo eshi va li muJohannesburg. *

X X

OIIMATI YOITA MOUSHILO

WOPOKATI

Oita oyo ya ningwa muKotoba mOushilo wO-pokati pokati kOvaisrael nOvaegipiti, ina i tokelifa ashike eenghundafana doshipofa shaNamibia mongudu yoiwana ya hangana ndelene eemwenyo dihapu oda kana nomalutu avahapu okwa hepekwa, osho ombinga inene yomaliko itai monika vali.

Oita oyo ya kala konyala omafiku 17 tai kondjo otaku tengenekwa kutya oya kani-fifa eemwenyo dOvaisrael 1,854 fimbo ovakwaita 450 ova kwatwa molwoodi olo.

Kombinga yOvayarabia otaku tengenekwa mwa fila ovakwaita 15,000 ile 16,00. Momuvalu omo omu na yo ovo va ningwa o-ipte.

Eedjo dimwe da yandja ouyelele woona-kufila molwoodi olo kombinga yOvaisrael otaku tumbulwa kutya ove fike 3,500 ile 4,000.

Israel molwoodi okwa kanifila mo eedila 125 nomatamba oita (Tanks) 900. Ye Arabia ta kanifile mo eedila 450 nomatamba 2,000.

Oludi leedila da tongwa apa, odila imwe otai kosho ngeno eemiliyona 3, fimbo e-temba limwe tali kosho R 175,000.

Nghee Israel va lwile naEgipiti okudja nale fiyo opoopo, Israel ina ehamekwa sha fa olwoodi lwomafiku 17 neudo, o-lwoodi lile lo tali fiwa.

Oshilongo shaIsrael oshi na paife ouhapu wovanhu eemiliyona 3, nde Ovajuda lela ove fike lwopeemiliyona 2 netata.

Ovakwaita veameno va V.V.O. ove li paife pokati kavu tava hangukununa fimbo tapu ningwa eenghundafana dokukandula po omikundu pokati kavu.

Eshilafano loilongo ei ivali la twala fiyo omoita oyo, Israel okwaanyena okudja moitukulwa imwe yOvayarabia e i kwa-tele molwoodi lavo lomafiku 6 modula 1967.

@@@

EEFIKOLA DOUUMBO 1974

Nande eefikola adishe oda xulifa paife oilonga yado yomudo noda ya mefudo lile laKrismesa, kombinga yehovelo leefikola hadi nangala peengulu nodi li moshisho natango shOngerki, kaku na ouyelele wa wana. Nande okwa teeelwa ngeno eefi-

kola odo-di-hovele ngashi shito, omuku-lunhu wEekoshuis, okwa nyengwa manga okuyandja omanyamukulo a wana omolwe-hovelo, osheshi otashi dulika eefikola dimwe tadi ka kala di na oudjuu okumona ovahongwa.

"Cpo handi konakona manga oshinima eshi" osho omuwiliki woshilonga eshi, kuku Haa-panen a ti.

Ohatu lineekele, kutya ote ke etela di-va Omukwetu eshiivifo liyela lochinima eshi opo shi shiivifwe yo moshifo nga-shi sha ningwa shito.

KONGA IILONGA

P U T S E

Moshipangelo shaNandjokwe pomahala gaali moshikondo shiimaliwa, opwa pumbiwa aantu yaali mboka andola ye na omaukwatya ngaka:

- ya pita oJuniolo
- yi ilongekidha okutaamba oshimpwiyu shiimaliwa,
- yo taa vulu okukala miilonga mbyoka ethimbo li vule omumvo gumwe.

Ngoka ta pumbwa natango uyelele u vule mpaka, na holoke kombelewa yiiniwe kO-nandjokwe ya kundathane.

(Omunashiketha)

Omaongalo otza ti ngahelipi?

Ewilikongudu loukumwe wovakwaLuther momubwanhu waAFrika (FELKSA), moshooonga-lele shalo sha xuuninwa pexulilo laNovomba muJohannesburg, ole lipula nelinye-ngo lomadiladilo oo e na okudja keengerki di li oilyo mu Felksa, ngashi da li da tuminwa omukanda wopaufita kEwilikongudu olo.

Ombilive yopaufita ya dile kuFELKSA oya tuminwe keengerki adishe neengerki ode i leshifa momaongalo (tala Omukwetu No, No, 19/73 ep. 2).

Ewilikongudu paife otali teeelwa omadila-dilo a dje keengerki, kutya ovakriste otava ti ngahelipi molwayo.

Ombilive otai kumaida ovakriste va dii-nine ehepaululo lavo nomomafimbo madjuu.

E L A K A N D I L I U V I T E K O

Oshilonga shelundululo lyOmbimbeli (etoloko lyelaka lyOmbimbeli) moRukwangali, osha hokololwa kutya omutoloki omusitagongalo Asser Lihongo e shi mana nale nokuli mombinga yEtsetamendi Epe. Etoloko lyelaka ewanawa mOmbimbeli pamukalo nguka nomOmbimbeli yOshindonga otali humu nawa komeho.

Aasitagongalo yaali yi ipyakidhila noshilonga shika; Eino Amaambo naMatti Amadhila mEpistoli lya nyolelwa Aayefeso oya tameke ngeyi:


Enyolo ekulu

1. Paulus Omuyapostoli gwaKristus Jesus okehalo lyaKalunga, okaayapuki ymuEfeso nooitaali muKristus Jesus.
2. Esilohenda nombili yaKalunga Tate yetu noyOmuwa Jesus Kristus nayi kale nane.
3. Kalunga Ohe yOmuwa gwetu Jesus Kristus na simanekwe, ongoka e tu laleke nuuyamba auhe wokomwengo mumbyoka yomegulu omuKristus
4. Ngashika e tu hogolola tu kale aayuuki naakaanoshipo koshipala she mohole
5. sho kwe tu utha nale tu ninge oyana tu kale muye omolwaJesus Kristus opahokwe yehalo lye mwe ne @@

NDHINDHILIKA: Ochapu ndhika odha kuthwa montopolwa yotango okutameka ovelisse yotango sigo ontitano.

Enyolo epe

1. Ontumwafo ndjika oya zi kuPaulus Omuyapostoli gwaJesus Kristus pahalo lyaKalunga. Oya nyolelwa aantu yaKalunga ye li muEfeso, mboka aainekelwa mekwatathano lyawo naJesus Kristus
2. Silweni ohenda, ne mu kale mu na ombili yaKalunga Tate noyOmuwa Jesus Kristus
3. Kalunga, He yOmuwa gwetu Jesus Kristus, na hamgelelwe. Oye tuu ngoka e tu laleke nuuyamba muukumwe naKristus, sho e tu pe omagano agehe gopambepo taga zi muuyuni wokombandambanda
4. Kalunga sho e tu hole, okwe tu hogolola nale molwaKristus manga uuyuni inau shitwa, tu kale aayapuki twaa na oshipo koshipala she.
5. Oye okwa kala e shi nuna nale, kutya ote ke tu taamba tu ninge oyana omolwaJesus Kristus. Shika osho enyanyu nelalakano lye. @@



Epulo, kutya ndje ohandi ni, masiku eyamukulo. Ombimbeli ya yi lesa ngiini, otali ka pewa

OMUKWETU

Oye oshifo shOngerki onkwaevangeli pa-Luther yomOwambokavango.
 Ohashi nyanyangidhwa mOniipa
 Omukuluntu gwoshifo, omumbisofi dr.L.A. uala. Amushanga gwoshifo Rev. Sebulon Ekandjo
 Ondando yOshifo komumvo muSuidwes nomu-Afrika alihe R 1,00 kombanda yomafuta R 2,00.
 Oondando nomambesitelo naga tuminwe ko-mukwetu, Oniipa, P/Bag 2013, Ondangwa

Omatseyitho agehe gomuntu mwene ngoka a hala sha shi tseyithwe, otashi futilwa kumwene gwasho.

OOHAPU DHOYE OMUWA OONTOYE NGI-
INI.

Owambokavango Church Press
Private Bag 2013, Ondangwa SWA